

Apòkrifë – 38 (Czurpiemë w górã na òdpùst)

Czurpiemë w górã na òdpùst
Ze stanicoma, chòragwiama, tòblëczką
Przedkòwsczi grają "Po górach, dolinach"
Jidą dzòtczi z Tëchómia...

Niesemë Pòmòrszczi kaszëbskòsc
W ruchnach swietlicowëch
Wësziwach, spiëwie, mòwie
Jidzemë, bò më jesëmë naszi...

Pòde drogą witómë
Swiònowską Matkã i Remùsa serotã
Terò ju Pòlanowsczëch òbòje
A na górze naszi ju są...

I biskùp zażëti tobaką
I mòbilkã òbczas psalmù
Kropiło z nieba bez całą mszą
Jaż do grochówczi...

(...)

A më jész wcyg z pielgrzimką
Òrkestra graje "Ave Marija"
Òpasujta na kónsczé minë!
Ave! Czaps! Na zòpód marsz!...

Tómk Fópka, Chwaszczëno, 18 czerwińca 2023 rokù, gòdz. 11.35 d.p.